

江南聞見  
錄一卷

也是錄  
環王盛隆姜成德等諸臣之妻赴死尤烈其陸  
行諸臣氓王朱蘊金姜世德馬九功潘世榮危  
禮存向鼎忠温如珍劉九臯等亦就義而末亂  
時以病卒者潘其齊環米仲王偉瑞昌王劉蓋  
忠徐鳳翥并內臣數人其諸臣子女之死者不  
及悉記也吁酷矣

也是錄終

江南聞見錄

江南聞見錄

乙酉五月初十日連日警報叠至是日趙忻城有  
演放大砲之示不果夜分北風甚急北兵渡江由  
七里港進迫神京時日將晡宏光計無所出召內  
官韓贊周問策韓云此番勢既洶湧我兵單力弱  
守和無一可者不若御駕親征濟則可以保社稷  
不濟亦可以全身上下其議卽刻束裝跨鞍時將  
二鼓從通濟門出攜帶惟太后一妃及內相多人  
文武絕少或云往武林或云往雲貴或云往太平

江戶屋長金 一  
紛傳不一是舉旬日間噴有人言未嘗不叱其偽  
至是果然知其作計已非一日究所從來則馬士  
英實始之也○十一日昧爽聞傳上已出城京中  
文武一時隱遁有不去者將門首封示盡行洗去  
男女蜂擁出門扶老攜幼者不可勝數間有媿媚  
少女金蓮躑躅蛙步難行見者心惻既出而復十  
有八九以路多兵也已而閉門欲返不得者十居  
二三莫竟其終矣○辰刻忻城出示安民有大駕  
播遷本府死守此土已致 大清帥自有裁酌爾

民不必驚惶徒避等語○副院楊維垣硃示云天  
子出巡乃古今暫避常理本院惟有盡忠殉國一  
路等語已卽自經○各門旣閉百姓數百人往中  
城獄擁太子上馬從西華門入宮尙未櫛沐圍中  
人悉自出奸悍兵民乘機入大內搶奪金帛甚多  
大半爲強者所得太子雖爲百姓擁入文武元老  
無一至者百姓遂擒相國王鐸禁中城拔鬚擗髮  
極其毆打旋入其家搶劫一空○兩月以來天氣  
陰霾淒慘日色罕見是日天清日朗晝夜明朗○

圖遷雖馬士英主之其實宏光埋怨士英勸其卽位今值多難仍着士英設法故以出奔之說進且士之之貲浮于宏光士英之欲生亦甚於宏光宏光存士英不能獨去迨旣出置宏光于靖藩黃得功營士英乃揚鞭挾貲兵從擁護竟作天外冥鴻矣先是馬士英調川兵三千爲出奔捍衛計去而不盡者若干人作崇於城方勇協力一心竟夜巡警兵而不敢肆秦淮兩岸燈光燭天達旦如晝○十二日早開太平門驅川兵出走門外之民逐

殺之傷一二十人銃砲之聲自朝至午少息川兵無復存者○城內柵門盤詰甚嚴獲奸細及馬士英中軍共八人斫城立斬之○阮大鍼家被搶馮可宗陳盟王一心周之瓊馮夢禎蔣鳴玉張元始姚士衡沈應旦吳希哲陸康稷申緒葛含馨羅志儒黃哀赤陳濟生申縝芳吳迺顧繹詒陶廷煜俱去張捷高倬張有譽俱死○午後太子傳示告示用硃標坐日空字黃紙書之曰泣于先皇帝不承大鼎克狀前猷凡諸臣庶同苦播著中外罔不宣

知胡天不弔慘莊奇禍凡有血氣裂皆痛泣予小子分宜殉國思以君父大仇不共戴天皇祖基業血汗非易忍耻奔避圖雪國耻予惟先帝之哀奔投南都實欲哭陳大義身先士卒不意巨奸蔽障致櫻桎梏予雖幽城獄每念先帝無一日不三痛三絕也如今者聞兵遠避先爲民望其如高皇帝之陵寢億萬倉之性命何泣予小子將歷請勳舊文武諸先生念予高皇帝三百年之鴻烈先皇帝十七載之舊恩助予振旅扶此顛沛何期父老人

民國抱出獄擁入皇宮于見宮殿披靡踉蹌祖業不勝悲涕奈諸父老焉知予負重冤豈稱尊面南之日乎謹此布告在京文武勳舊諸先生士庶人等念此痛懷勿借會議予當恭聽共抒皇猷勿以前日有不識予之嫌惜爾經綸之兆也不念舊惡垂諸訓典非敢云赦惟願卽臨匡予不逮謹此十三日早開通濟門放勇衛營兵入城中乘間而出者甚衆柵禁稍寬店肆頗有開張者文武臣僚集中府會議安民城守各有告示不等然俱不及立

新主事太子勅封中城獄神蕭王周龍匣差官奉  
敕二人執金棍前行至禁中開讀兵馬司素服迎  
之以其所居之室改爲殿宇傍晚有雲間貢生徐  
瑜蕭某謁忻城面陳太子宜卽位忻城立叱斬之  
○十四日北兵至城忻城縋出見于營議進城事  
保國朱鎮遠顧駙馬齊等俱在豫王問爾等勲戚  
爲太祖爲成祖一一問答有差豫王喜忻城城守  
有功加位興國公手攜立保國有賜金燈銀鞍馬  
貂裘八寶達帽等物進牛酒席地共飲問太子何

在忻城次日送至營李喬攜進 大清告示偏掛  
通衢民心稍定告示二道 大清國攝政叔父王  
令旨曉諭河南南京浙江江西湖廣等處文武官  
員軍民人等知道爾南方諸臣當明朝崇禎皇帝  
遭難陵闕焚毀國破家亡不遺一兵不發一矢不  
見流賊一面如虎藏穴其罪一也及我兵進勦流  
賊西奔爾南方向未知京師確信又無遺詔擅立  
福王其罪二也流賊爲爾大仇不思征討而諸將  
各自擁衆擾害良民自生反側以啟兵端其罪三

也惟此三罪天下所共憤王法所不赦予是以恭  
承天命爰整六師問罪征討凡各處文武官員率  
先以城池地方投順者論功大小各陞一級梗命  
不服者本身受戮妻子爲俘倘福王悔悟前非自  
投軍前當釋其前罪與明朝諸王一體優待其福  
王親信諸臣早知改過歸誠亦論功次大小檄到  
之處民人毋得驚惶奔竄農商照常安業城市秋  
毫無犯鄉村安堵如故但所用糧料草束俱須預  
備運送軍前兵部作速發牌出令各處官員軍民

人等及早互相傳說毋得遲延致稽軍務特茲曉  
諭咸使聞知順治二年五月日 欽命定國大將  
軍豫王令旨諭南京等處文武官員軍民人等悉  
知余奉聖旨統領大兵勘定禍亂順者招撫逆者  
勦除大兵到處兵不血刃官員積捧勅印來除不  
次優擢者有之照舊供職者有之民間秋毫無犯  
產業安堵如故昨大兵至維揚城內官員軍民嬰  
城固守予痛惜民命不忍加兵先將禍福諄諄曉  
諭遲延數日官員終于抗命然後攻城屠戮妻子

爲得是豈余之本懷蓋不得已而行之嗣後大兵到處官員軍民抗拒不降維揚可鑒夫人皆天地所生逆命之徒欲死則宜自盡何得貽累生靈本朝承天之眷遇戰必勝攻城必克諒爾等聞之熟矣雖然耀德必觀兵仁義招撫天時人事洞然可鑒今福王僭稱尊號沈緬酒色信任僉壬生民日瘁文臣弄權只知作惡納賄武臣要君惟思假威跋扈上下離心生民塗炭極矣予念至此感歎不已故奉天伐罪救民水火合行曉諭○十五日太

子出洪武門入營豫王敬禮甚厚留之營中衣以錦紫袍云其真假不能辨須帶歸于北以明之百官是日朝王豫王始十六日百官遞職名到營叅謁朝賀如蜩時將無禮部尙書錢謙益引大清官二員兵使五百餘騎從洪武門入謙益向帝闈四拜因下淚北兵問故謙益曰我痛惜太祖高皇帝三百年之王業一旦廢墜受國深恩能不痛心北兵歎息候開正陽門進索鎖題不得引進東長安門盤九庫錢糧官兵俱住內忻城 搶掠大內



兵丁八人遊于街市傳令百姓設香案俱用黃紙書大清國皇帝萬歲萬萬歲并風調雨順國泰民安等字又大書順民二字粘於門午後撥達兵五十名守通濟洪武聚寶三門劉良佐兵爲崇南門外百姓訴於豫王發北兵三 趕殺立刻降之○十七日文武各官爭趨朝賀職名紅揭堆者五尺者十數堆凡生監候選候考無一不至豫王不見○十八日文武官員及鄉保方長人等送幣帛牲醴米麵熟食茶葉糖酒果烟等物於營絡繹塞道

舉國若狂○忻城約各勛喚戲十五班進營開宴逐齣點演正酣暢間塘報各鎮兵至忻城城遞報于王閱之漠然又點戲四五齣方撤席發兵迎敵卽刻就行○鱗鱗內相進鱗魚二大籠用龍旗龍袱卑禮小心豫王不受○十九日達兵八人搶小物于神樂觀道士稟王命縛斬之差御史王懷少卿黃家薰御史劉光斗等往淮安寧國蘇松等處討取降順冊○達兵搜不朝賀現任官陳盟等家有收其家屬者豫王出示令前日入內搶劫金銀

緞疋腰刀等物自行交還武英殿或江寧縣免其  
前罪仍令總甲逐戶搜有藏匿者梟示。二十日  
令文武各官將印信割付盡數交納武英殿聽換  
給又令大開南門放出城三日忻城剃頭起是後  
徐魏國柳安遠徐永康湯靈壁李臨淮等以漸俱  
剃訖文官惟李喬孫桀葉應祖等寔爲出家適合  
時尚。二十一日合城百姓既苦搬移又恐五旗  
兵至雖免殺戮惴惴不寧三日之間路不能行而  
露宿與暴觀城市者不可勝記。二十二日豫王

念史閣部忠烈可嘉令建祠坊旌揚薦馨仍令禮  
部尙書優恤其家眷以示異數。二十三日中書  
龔廷祥義不臣服投武定橋河死浮尸二日。二  
十四日豫王進城穿紅錦箭衣乘馬入洪武門官  
員紅素服不等分班兩旁迎賀預一日禮部紅榜  
徧粘城市故無一不至。二十五日尋到宏光暫  
停天界寺豫王往接昇以無幔小轎首蒙包頭身  
被藍布衣以油扇掩面百姓唾罵太后及妃俱隨  
後從正陽門宏光易馬衣一把拋乘馬至靈壁侯

家設宴太子上坐宏光昭坐豫王穆坐從容向宏  
光曰不爲先帝報仇反將太子監禁此是何意宏  
光穆然又曰我大兵尙在揚州爲何棄了陵寢土  
地先去以失民望自主之耶抑左右教之耶宏光  
答語支吾汗出浹背餘言尙多不能盡求述喚樂  
戶二十八人歌唱有酒席散發還仍限。二十日  
內着教師開戲一本以便供應 黃虎山兵約萬  
餘人俱自薙髮隨達兵進城向豫王求用不收止  
收其衣甲兵刃。二十六日黜印官及二十四衙

門內相三人到遲要打百棍沒其家告道乃止。  
二十七日發兵三千往蘇杭催討降冊此時尙未  
知楊文驄殺黃家稟等官也。二十八日豫王出  
南門報恩寺拈香觀者如堵黃端伯抗節罵詈左  
右欲兵之豫王不思加刑忻城送之獄。傳清朝  
入政一曰求賢二曰薄稅三曰定刑四曰除奸五  
曰銷兵六曰隨俗七曰逐僧八曰均田互相傳說  
尙無頒示。二十九日中南西三城百姓幸免于  
遷居歸功忻城踵門言謝忻城勸令三城釀金犒

江南聞見錄

兵以絕窺伺百姓從之



江南聞見錄終

天保禁印

